



Presidente da República Inagura Centru Komunitariu Iha Quelicai

# PNDS

Hamutuk ita  
dezenvelope nasaun

Dezemburu 2014

## Prezidente RDTL Inagura Projeitu PNDS

Iha diskursu inagurasaun ne'e, Sua. Exa Prezidente da república apresia tebes no kontente ho partisipasaun tomak comunidade ninia ne'ebé kontribui iha programa PNDS. "Involvimentu no partisipasaun sidadaun ninia mak sai hanesan xave ba dezenvolvimentu nasaun ida nia", hato'o husi Sua. Exa Prezidente da República, Sr. Taur Matan Ruak. Prezidente RDTL defende governasaun ida ne'ebé hakbesik an ba povu no PNDS sai hanesan ezemplu konkretu governu ninia hodi hakbesik liu ba comunidade atu nune'e bele responde difikuldade dezenvolvimentu ne'ebé comunidade rural enfrenta, tanba iha programa PNDS comunidade mak iha responsabilidade tomak atu implementa programa no jere rasik sira nia subsidiu suku ne'ebé governu aloka ba. Sua. Exa SEDL, Sr. Samuel Mendonça ne'ebé participa iha inagurasaun ne'e, fo onra bo'ot tebes ba Sua. Exa Prezidente da República, tanba bele participa iha serimónia Inagurasaun projeitu PNDS. Inagurasaun ida ne'e hanesan eventu ba dahuluk ne'ebé participa direktamente husi Sua. Exa Prezidente da República.

Prezenta programa PNDS iha suku Maluru, ajuda tebes comunidade. Laura Epifania Freitas, hanesan Sekretáriu EIP hatete katak : "Ami Suku Maluru oan susar tebes-tebes ba atendimentu sobre ami nia saudu liu-liu ba ami nia inan fetu sira ne'ebé isin rua bainhira atu partus/tu'ur ahi, ferik-katuas ne'ebé ida ona laabe la'o dook, maibé agora ami kontente tanba ami rasik iha ona postu siska, ami fiar katak ba futuru ami sei iha rasik doutór ou enfermeira ne'ebé bele servisu besik liu ami nia comunidade".

Durante konstrusaun projeitu PNDS iha Suku Maluru, dirije direktamente husi maluk fetu sira, tanba husi ema na'in 11 ida ne'ebé envolve iha ekipa jestaun suku (EJS) ida ne'e maioria mesak fetu (fetu 10 no mane 1). Maske hetan dezafiu barak iha implementasaun programa PNDS maibé comunidade ho konxiénsia tomak konsege konstrui ramata duni projeitu ne'ebé sira decide.

PNDS hanesan programa komunitáriu ne'ebé governu Timor Leste decide sai hanesan programa nasionál. Programa nee konsentra liu ba dezenvolvimentu iha nivel suku no aldeia hodi tau atensaun ba difikuldade dezenvolvimentu infraestrutúra báziku ne'ebé comunidade sira enfrenta.

Suku Maluru hanesan suku ida ne'ebé implementa PNDS iha faze ba dahuluk, no projeitu 3 ne'ebé konstrui iha suku ida ne'e mak hanesan :

1. Konstrusaun foun ba postu siska iha aldeia Loilubu ho montante orsamentu dolar amerikanu 17,002.65,
2. Konstrusaun foun sentru komunitáriu iha aldeia Samafanu ho montante orsamentu dolar amerikanu 15,149.90 US, no
3. Projeitu rehabilitasaun bee mós iha aldeia Samarogo ho montante orsamentu dolar amerikanu 11,847.45 US.

## Progresu

### Pilotu: Remata ona

#### Faze 1: Etapa 11 / 12

- Kompleta konstrusaun, no entrega ba ekipa operasaun no manutensaun
- Enkontru Akontabilidade Final

#### Faze 2: Etapa 8 / 9

- Finaliza kontratu ho comunidade, no implementa projeitu
- Transfere primeiru prestasaun hosi fundus infra-estrutúra (50%), no hahú konstrusaun


#### Faze 3: Etapa 4

- Treinamentu ba ekipa jestaun suku no fasilitadór suku sira




## Prioridade sira

### Faze 1



### Faze 2



- Saude
- Bee Mos no Saneamentu
- Edukasaun, Cultura e Desportu
- Agricultura, Siguranca Alimentar no Buka Moris
- Dalan, Ponte no Kontrolo de Cheias
- Solidariedade Sosial
- Sektor Seluk



Inagurasaun Irigasaun, iha Suku Lahae, Aileu (Seitor Agrikultura)



Rahabilitasaun Postu Siska, iha Suku Uma kaduak, Laklo / Manatutu

## PNDS Hakat ba selesaun Segunda Ronda UNPSA

Programa PNDS hetan prezente di'ak iha loron natal 2014, tanba iha loron ida ne'e Sekretariadu Tékniku PND Shetan informasaun kona ba rejultado selesaun prêmio husi organizasaun Nasaun Unidas ba servisu publika/United Nations Public Service Award (UNPSA) katak programa PNDS hakat ba selesaun segundu ronda hodi kontinua konkore iha UNPSA. Iha fulan Outubru 2014 liu ba, FONGTIL hanesan órgaun sumarina ba NGOs iha Timor Leste tantu NGO nasonál nomós NGO Internasional, ofisiálmente kandidata programa PNDS ba iha Nasaun Unidas para atu bele kompete. Rezultadu hosi aplikasaun ne'e pozitivu tebes no hetan responde ne'ebé di'ak husi ekipa komisaun tanba nomeiasaun PNDS liu ona selesaun primeiru ronda no hakat ba segunda ronda. Liu husi via email ne'ebé komisaun ba eventu ida ne'e haruka mai iha Diretór Jeral Dezenvolvimentu Lokál, Sr. Miguel Pereira de Carvalho, katak komisaun ida ne'e hatu'o agradesimentu ba governu Timor Leste tanba bele partisipa iha eventu ida ne'e no sira kongratula ba Timor Leste tanba Programa PNDS liu iha primeiru ronda hodi hakat ba segunda ronda.

Iha segunda ronda, komisaun ba eventu ida ne'e sujere atu ita bele kompleita dokumentus apoiu hirak ne'ebé forte no sai hanesan Indikator susesu programa PNDS ninia ne'ebé implementa iha Timor Leste, dokumentus apoiu hirak ne'e mak hanesan karta referénsia husi organizasaun ka ajénsia nain 2 ne'ebé koopera iha programa PNDS, informasaun Relasiona ho PNDS ne'ebé fó sai iha jornál nomós planu implementasaun PNDS iha territóriu, dokumentus hirak ne'e governu Timor Leste sei haruka ba iha komisaun UNPSA iha nova Yorke-Amerika, mais tarde 20 Janeiro 2015.



Arsenio Perreira, (Diretur Fongtil) Nomea PNDS ba UNPSA



Inagurasaun Ponte, iha Suku Malere, Aileu (Seitor Obras Publik)

## Enkontru Kordenasaun PNDS ba Dala Ikus Tinan 2014

Atu kordena di'ak liután implementasaun programa PNDS iha tinan 2015, Sekretariadu Tékniku PNDS hala'o enkontru kordenasaun hodi halo avaliasaun serbisu ne'ebé hala'o iha tinan 2014 (19/12/2014, ETDA-Dili). Enkontru kordenasaun ba dala ikus ne'e ko'alia kle'an kona-ba progresu no difikuldade ne'ebé enfrenta iha implementasaun programa durante tinan 2014, Alende ne'e, iha oportunidade nee diskute hamutuk mós rezultadu monitorizasaun ne'ebé hala'o husi parseiru dezenvolvimentu sira hanesan Banku Mundiál ho Fundasaun Asia (TAF), liu-liu iha parte partisipasaun comunidade nian no aprosimasaun ne'ebé akontese iha implementasaun programa PNDS durante tinan 2014.

Diretór Jeral Dezenvolvimentu Lokál, Miguel Perreira de Carvalho, iha nia intervensaun loúba ho servisu tomak ne'ebé hala'o husi funsionáriu PNDS, tantu husi nasonál, distrital nomós sub-distrital durante tinan 2014, maibé nia sujere atu funsionáriu hotu-hotu atu haka'as an nafatin no dixiplina atu nune'e bele melhora liu tan servisu iha tinan 2015.

Mesmu iha implementasaun programa durante tinan 2014 hasoru difikuldade barak maibé iha progresu lubuk ida ne'ebé fó ona benefísiu ba comunidade sira hodi asesu ba infraestrutura bázika ne'ebé comunidade rasik mak harii ona iha sira nia leet, ezemplu konkretu mak hanesan iha fatin balun ne'ebé durante tempu barak la asesu ba bee mós, oras nee bele asesu ona ba bee mos iha sira nia knua ou aldeia. Tinan 2015 hanesan tinan dixiplina ba funsionáriu estadu ou ajente administrasaun publika hotu, tanba ne'e hirarkiamente funsionáriu hotu tenke kumpri, solok ba tinan foun 2015



Atu hetan informasaun tan:  
[www.pnds.gov.tl](http://www.pnds.gov.tl)  
[info@pnds.gov.tl](mailto:info@pnds.gov.tl)

Atu fo imi nia hanoin:  
[keixa@pnds.gov.tl](mailto:keixa@pnds.gov.tl)